


From
Synod Literature & Publication Board
Synod Office
Aizawl – 796 001
Mizoram



LÂWRKHAWM

SYNOD-IN ṬANPUI

April ni 4, 2024 (Ningani) khân Zohmun leh Palsâng khuaa tûn hnaia thli leh rialin an in a tihchhiatsakte hnênah, kohhran pâwl pâwl sawi lovin Mizoram Presbyterian Kohhran Synod chuan ṭanpuina, ₹36,50,000/- a pe. Ṭanpuina pe hian Rev. C. Zoramawia, Senior Executive Secretary leh thawktu mi pathum an kal.

SYNOD HOUSE TUR EN FEL

March ni 15&16, 2024 khân Synod House sak dân tûr en felin Rev. C. Zoramawia, Sr Executive Secretary; Upa Thanglian khûma, AE leh Pu Lalhriatrenga, JE-te Lungleiah an kal.

ATC VALEDICTORY SERVICE

Mizorama Pathian thu zirna inpui leh hlun ber, Aizawl Theological College chuan ni 22.3.2024 chawhnu dân 1 khân BD, MTh leh DTh zir chhuak mi 65 thlahna hun a hmang.

WORLD KIDNEY DAY HMANG

Synod Hospital chuan ni 14.3.2024 zîngkârah khân World Kidney Day a hmang a. Zîng dân 6-ah 'Walkathon'-a bul ṭan a nih hnuin zîng dân 7-ah Administration Office kawtah hemi ni pual hian hun hman a ni. He hun hi Dr R.L. Sânghluna, Medical Superintendent-in a kaihruai a; Dr Joseph Lalhmachhuana, Consultant Nephrology leh khual lian Pi Lalrinpuii, Health Minister-ten thu an sawi. Hun hman zawhah Nephrology Unit an fang kual bawk.

KOHRAN INSUIH KHAWM TUMNA A KAL ZEL

April ni 3, 2024 (Nilaini) chawhnu dân 1 khân Synod Office, J.M. Lloyd Hall-ah Mizorama Kohhrante Inpumkhatna (Council of Churches in Mizoram) Joint Committee a ṭhu a. Meeting hi Rev. R. Vânlalngghâka, Synod Moderator-in a kaihruai a, kohhran hrang paruk aiawh mi 37 an tel a ni.

Meeting hian October 2024-ah chuan Council hi a nih dân tûr angin ding fel hman tawh sela, tiin a rêl a. Programme ṭûl ang leh constitution chungchânga rêl fel ngaite lo bawhzui hna chu Drafting Committee kutah dah a ni. Anni hi April ni 29, 2024 khian Lungleiah an ṭhu khâwm ang a. Drafting Committee ruahmanna hi June 11, 2024-ah Joint Committee-in an la thlir ho leh dân a ni.

Mizorama kohhrante inpumkhatna tûr hian Missionary-te din kohhran pathumten bul an ṭan a, kohhran dang pawh sâwm an ni bawk. Tûna 'Council of Churches in

Mizoram' dinna tûra kohhran tel mêkte chu – Mizoram Presbyterian Kohhran, Mizoram Baptist Kohhran, Evangelical Church of Maraland, Lairam Isua Krista Baptist Kohhran, Evangelical Free Church of India, Isua Krista Kohhran, Bualpui (Ng) leh Salvation Army-te an ni.

Council of Churches din leh a kalphung tûr duante pawh kohhran hrang hranga inkhâwmpui lianten ṭha an ti tîang deuh vek tawh a. Joint Committee hian a ṭûl apiang bawhzui zêlin, October thla khian 'Council of Churches in Mizoram' chu ding hman tûra ruahmanna siam a ni ta a ni.

KPP INTAWHKHÂWM HLIM TAKIN HMANG ZO

April 12–14, 2024 chhûng khân ram pum huap Kohhran Pavalai Pâwl (KPP) Intawhkhâwm vawi-6 na chu East Lungdârah tluang taka hman a ni a; thupui 'A chhe lai siam ṭhatu' (Is 58:12) tih chu Rev. C. Zoramawia, Senior Executive Secretary, Mizoram Synod-in vawi thum a sawi. April ni 12 (Zirtâwponi) zânah Rev. R. Vânlalngghâka, Synod Moderator-in thuchah a sawi a; April ni 13 (Inrinni) chawhmaah Rev. R.C. Lalngghâkliana, Revival Director-in thuchah a sawi a, chawhnuah zaikhâwmpui a awm a, zânah Rev. R. Lalnuntluanga, Revival Committee Member-in thuchah a sawi a ni. Inkhâwm apiangin zaipâwl 4/5 an zai ziah ṭhîn.

Tûn ṭum hi ram pum huap Kohhran Pavalai Pâwl Intawhkhâwm pandal-a hman a nih ṭum khatna a ni a. Pandal hi sak zawh fel thawkhath a nih hnuah, ni 31.3.2024-a thlipui tleh khân a nuai chhe vek a. Ram pum leh tualchhûnga kohhran mite inpêkna ropui tak avângin ni li chhûng vêlin pandal chu sak ṭhat a ni leh ta a ni. He intawhkhâwmah hian ram pum aṭanga kal khâwm pavalaiten hlim takin hun an hmang a, pandal pâwn lamah lâmtual an siam belh hial. A ṭan zân aṭangin pandal-ah an leng lo va; inkhâwm tam ber ṭum, Pathianni zânah pheii chuan mi sîng chuang an inkhâwm a ni.

Kohhran Pavalai Pâwl hi Synod Revival Department-in a enkawl a ni.

SYNOD Newsletter

EDITORIAL STAFF

Rev. Lalbiaknia
(9862362913)

Rev. V.L. Luaia Hranleh
Upa K. Lalnginglova
Zohmingliana Colney
(9615231750)

SYNOD CHHAWMDAWLNA

Tùn hnaia harsatna hrang hrang tâwkte hnênah Synod Relief Fund ațangin hetiang hian chhawmdâwlina pawisa pêk a ni:

Khua	Pêk chhan	Chhôngkaw zât	Pêk zât	Khua	Pêk chhan	Chhôngkaw zât	Pêk zât
Khawlailung Dinthar	Fu huan kâng	1	50,000	Tualchêng, Pâm-chung, Lungphunlian	Damlo leh khawsak harsa	5	50,000
Chuhvêl	Khawsak harsa	5	50,000	Kâwlbêm	Damlo	2	10,000
Mualkawi	In kâng	1	20,000	Sairâng Dinthar	Damlo	1	10,000
West Sêrzâwl	Damlo	2	20,000	Dâwrui Vêngthar W	Damlo	1	10,000
Hunthar	Damlo	2	20,000	Ram pum huap KPP Intawhkhâwmna tûr			
Arhuan	Damlo	1	10,000	pandal thlipuiin a tihchhiat tanpui nân			1,00,000
Thingsai	Damlo	1	10,000	Hmunhmêlthâ PES building chia			
Thênzâwl Field Vêng	Damlo	1	10,000	tanpui nân			50,000
Champhai Ramthar	Damlo	1	10,000	Khawlailung Dinthar	In chia	3	45,000
Tlungvêl Vêngthun	Damlo	1	10,000	Khualen	In chia	2	30,000
Buhchangphai	Damlo	1	10,000	Zêmabâwk Berawlui	Damlo	2	20,000
Thênltâng	Damlo	1	10,000	Sialhâwk South	In chia	1	15,000
Vaivakâwn	Vânduaina tâwk	4	50,000	Sialsûk Hmunchung	Damlo	1	10,000
Kâwnmawi	In kâng	1	20,000	Tuirial	Damlo	1	10,000
Tlungvêl Vêngthar	Damlo	4	10,000	Mamit Field Vêng	In chia	1	10,000
Damdiai	Khawsak harsa	3	10,000	Luangpâwl, Mamit	In chia	1	10,000
Samlukhai	Damlo	2	10,000				
Sialsûk	Damlo	1	10,000				
Thiak	Damlo	1	10,000				
Bûkpui	Vânduaina tâwk	1	5,000				
Dârlâk, Dârlâk West,	Damlo leh						
Bâwngva, Khan- thum, Saipuilui	khawsak harsa	7	70,000				

February thla chhônga Synod chhawmdâwlina sem zât chu ₹4,58,000/- a ni.

Tùn hnaia ruah leh thli avânga harsatna tâwk Bîlkhawthîr Hmâr Vênga chhôngkaw 42, Tuițha Vênga chhôngkaw 22 leh North Chawnpuia chhôngkaw 4, an vaiin chhôngkaw 68 hnênah ₹7,50,000/- pêk a ni bawk. Harsatna tâwkte tanpuina hlân tûr hian Upa Vânlalsâwma Siakêng, Synod Secretary (Jr) leh Pu Lalmuanawma, Synod Office-te an kal.

Editorial.....

LEHKHABU ȚHA CHHIAR

Nikum 2023 Synod Inkhâwmpuiah khân, 'Lehkhabu Țha chhiara hma kan sâwn theih nâna hma lâk rawtna' chu 'A Țha e' tiin pawm a ni a, SEC bawh zui tûra dah a ni.

Engtin nge hma an rawn lâk dâwn tih chu la hre lo mah ila, thil pawimawh tak erawh chu – chhôngkaw tinten lehkhabu Țha chhiarah Țan kan lo lâk Țeuh hi a ni lo thei lo. Kohhran chhôngkaw tinte Țan rualna a pawimawh hle dâwn a ni.

Lehkhabu Țha tih hian, chanchinbu Țha pawh a huam tel vekah ngai ila. Puitlingte chuan lehkhabu Țha chhiar hlâwkna leh Țangkaina chu kan hre vek ang, kan chhiar peih leh peih loh chu thu dang ni se. Kan tu leh faten lehkhabu Țha chhiarah hma an sâwn theih nân nu leh pa, puitlingten tih theih kan neih ang ang kan tih ve erawh a pawimawh tih hria ila.

Kan tu leh fate, an kum mila lehkhabu Țha chhiar tûr chhawpsak leh chanchinbu lâksaka, a Țul ang zêla chhiarpui Țhin hi a pawimawh hle tih hria ila, Țan i la sauh sauh teh ang u.

Literature Campaign: Ni 11.4.2024 khân Luangmual Pastor Bial Kohhran Hmeichhiate Literature Campaign hmanpuiin Pi Rinsailovi, Asst. Editor leh Pi Râllianthangi, Office Assistant-te an kal.

Naupang Pual Talent Show: MSSU leh Synfo buatsaih, Naupang Pual Media Talent Show chu March ni 26&27, 2024 chhông khân Golden Jubilee Hall, Mission Vêngthlang Kohhranah huaihawt a ni a, kohhran thlan chhuah Tleirâwl leh Naupang Inkhâwm ațangin item chi hrang hrang 45 – lâm, zai, instrumental, la phiar, milem ziah, origami leh a dang-te hmangin tleirâwl leh naupangten an thiam thil an entîr a ni. Naupang Pual Media Talent Show hi Hruaina Eng TV lamah leh Synod Information youtube-ah en theiha dah a ni.

Drug Awareness Campaign: March ni 26, 2024 khân Rûlchâwm Kohhranah Drug Awareness Campaign hmanpuiin Tv. Lalmuankima, Counsellor; Ni. Lallâwmzuali, Counsellor leh Ni. H. Lalramdinkimi, Staff Nurse-te an kal.

Ramhlun North PES hawng: Presbyterian English School (PES), Ramhlun North chu ni 30.3.2024 chawhma dâr 11 khân Rev. Dr K. Lallâwmzuala, Executive Secretary i/c Education-in Pathian hnênah hlânin a hawng. Ramhlun North PES-ah hian thawktu 9 leh zirlai 201 an awm mêk.

Delhi-ah Biak In hawng: March ni 29.3.2024 (Good Friday) khân Delhi Field chhônga Chandigarh Bial, Dharamshala Fellowship Biak In thar hawna leh hlanna Field Secretary leh Bialtu Pastor-hovin hman a ni a. Dharamshala Fellowship member pakhatin an in sak mêk 1st Floor chu Pathian biakna hmun atân a pe a ni.

HMN sikul tlawh: April ni 12–16 chhông khân Home Mission North-a Mission School hrang hrang tlawhin Rev. Dr K. Lallâwmzuala, ES; Pu K. Lallianzuala, SoS leh Pi Ruth Lalhmangaihi, Asst. Co-ordinator-te an zin.

Râl Vêngtu

Ram thatna duhtu mi eng emaw zât hi Râl Vêngtu hnênah an lo lêng a. "Râl Vêngtu, kan khawpui hi Kristian hlang deuhthaw kan awm a, engtizia nge Kristian ni si, zu leh ruihhlo zuar an tam êm êm reng le? Eng vâng nge zu leh ruihhlo ngawl vei hi an pun tual tuala, a rûka hmeichhe inzuar an tam hle le? Kristian ni si, inkhâwm lova tei chhuak hi an tam êm êm reng bawk a. Campaign chi hrang hrang kan nei reng a, a sâwt mawhin, thil tha lo leh dik lo hi a rêm theih hauh loh chu le?" tiin an zâwt a.

Râl Vêngtu chuan, "In khawpuihia hian mahni inbum in tam êm a nih hi. Thil tha in sawi t̄euh va, a sawituin a zâwm leh si lo. Fate hrui lo leh fate tel lova sakhaw mi in tam a, in fate nun a khawvêl tial tial si. Rinawmna leh dikna thatzia in sawi a, in thinlungin a zâwm si lo, a rûk mai pawh ni lo, a langah pawh in chhe viau rêng asin! Thalai tam tak hi chuan thlarau an nei tih pawh an ngaihtuah duh hauh lo nia. In zîngah hian Hausakthuttuma te, Danglam-châka te, Nawmchenduhi te, Vainêli te, Pawisakneilovi te, Thihnatâwn-huaia te, Thahuaa te, Zaktheilova te, Tenawmkaii te, Ngaihsami te, Thaderi te, Bawlhhlawha te, Uchuaka te pawh an inzep ru t̄euh tawh a nia. Mahni inbumna lak ațanga fihlîm t̄urin țan la nasa rawh u," a ti ta a.

Mite chuan, "Kan harh chhuah a ngai a ni," an ti tliar tliar a, an kal sawn ta a.

Solfa Training: Ni 13.4.2024 khân Bûkpui Pastor Bial K̄TP Solfa Training pein Tv. Samuel Vânlalhruaitluanga, Music Instructor leh Tv. B.C. Lalrintluanga, Keyboardist-te an kal.

SYNOD HOSPITAL, DURTLÂNG THILPÊK DAWNTE (February 2024)

I. CHARITY FUND

1. Hming thup	₹500
2. Pi Lalremi, Zêmbâwk North, Aizâwl	₹5,000
3. Pu Zodinliana, Mission Vêng	₹2,000
4. Upa T. Vânlâwma te nupa Hunthar Vêng	₹2,000
5. Hmingchungnunga, Suangpuiâwn	₹1,000
6. Bairabi Kohhran Hmeichhia	₹5,000
7. Suangpuiâwn Pastor Bial Kohhran Hmeichhia	₹10,000
8. Kolasib Electric Vêng Kohhran	₹34,040
9. Khawzâwl Vêngthar Kohhran	₹10,000
10. Bilkhawthlîr Hmâr Vêng Kohhran	₹10,000
11. New Sêrchhîp Pastor Bial Kohhran Hmeichhia	₹10,000
Belh khâwm	₹89,540

II. THISEN PETUTE

	Unit zât
1. Missionary Training College	25
2. K̄TP, Ramhlun Vêngchhak Branch	32
3. K̄TP, Tuikhuatlîng Branch	35
4. K̄TP, Ramhlun Branch	41
5. K̄TP, Ramhlun Vêngchung Branch	30
Belh khâwm	163

III. THIL DANG PETUTE LEH AN THILPEK

1. **Dr Lalchhanhima Râlte, Synod Hospital** – K. Ward-a hman t̄ur UPS 600KVA (₹2,500 man).
2. **Cookie Jar, Chanmari, Aizâwl** – Capsicum Roll 200 (Valentine's Day puala Blood Donation Camp-a thisen petute tân).
3. **K̄TP, Hliappui Hmâr Vêng Branch** – ₹10,000 (Grace Home tân).

LAWM THU SAWINA

Hospital mamawh chi hrang hrang – sum leh pai te, thisen te leh thilpêk dang min petu zawng zawng chungah Pathian hmingin lâwm thu kan sawi a. Pathianin a lêt tam takin rûl vek che u rawh se. In thilpêkte hi a mamawhten dam nân an hmang thîn a, an la hmang zêl bawk ang. Thilpêk pe zêl thei t̄urin Pathianin malsâwm t̄euh che u rawh se.

Thilpêk pe duh kan awm chuan hêng phone number-ahte hian eng tik lai pawhin a inhriatt̄ir theih reng e: Director – 94361 54365 leh Nursing Superintendent – 94361 52751.

Rev. R. Lalvulluaia
Chaplain, Synod Hospital, Durtlâng

MCC ZAN RIAKIN FEH CHHUAK

March ni 22&23, 2024 chhûng khân Mizoram Christian Coollege (MCC) Entrepreneurship Knowledge Cell (EK Cell) bultumin Zolzau Farm, Dârlâk kuaah zan khatriakin 'Agriprenurship Workshop' an hmang a, hetah hian MCC zirlai 21 leh Faculty 5 an kal.

He hunah hian zirlaiten a takin hna an zu thawk a. Zolzau Farm-ah hian sangha dîl enkawl dân te, a chaw pêk dân te, vawk chaw siam dân te, rose cut dân leh hralh theih t̄ura pack dân te an zir bawk. Huan neitu Pu V.L. Remruatpuian bul an țan dân leh integrated farming system pawmawhna leh fuihna thu a sawi bawk.

MCC chuan he programme sponsor, Entrepreneurship Development Centre (EDC), Planning & Programme Implementation Department, Govt of Mizoram hnên ațanga an sum hmuhin, lo neih leh ran vulh nâna hman t̄ur hmanraw chi hrang hrang, college-in a hman zui t̄urin an lei bawk a ni.

PRISON MINISTRY RAWNGBAWLNA

Ni 16.3.2024 khân Siaha khawpui chhûnga kan kohhran leh a hnuaiia Fellowship hrang hrang – Kohhran Hmeichhia, K̄TP leh KPP Committee pualin, tân ina rawngbâwl dân t̄ur seminar buatsaih a ni a. Rev. Lalhmu-chhuaka, Director, Synod Prison Ministry chu Resource Person a ni a; Counsellor Tv. Lalrempuia leh Lalthansânga Sailoten an țawiawm.

Ni 17.3.2024 (Pathianni) khân District Jail, Siaha-ah mipa leh hmeichhe zîngah rawng an bâwl a, Synod Prison Ministry Sub-committee, Siaha hruihuten an țawiawm a. Jail tâng mêk mipa 62 leh hmeichhia 3-te hnênah Synod Prison Ministry hmingin ei t̄ur pêk a ni bawk.

THAWKTU THAR

Synod Service Board chuan Sikulpuia zirt̄irtu (Contract) hna thawk t̄urin Zonun-tluanga Râlte s/o Thangsailova, College Vêng, Aizâwl chu a la thar a; ni 5.4.2024 khân a hna hi a zawm.



GOLDEN JUBILEE SAWMNA

Khawzâwl Vêngthar Kohhran chuan May ni 25, 2024 hian kan kum 50-na (Golden Jubilee) lawm kan tum a. Khawzâwl Vêngthar Kohhrana lo lawi tawh zawng zawng leh Pastor leh Pro. Pastor lo awm tawh zawng zawng he hun min rawn hmanpui tûr hian kan sâwm a che u.

– Secretary
Khawzâwl Vêngthar Kohhran

CENTENARY LAWM

April ni 8–14, 2024 chhûng khân Kângmun Pastor Bial chuan an kum zana (1924–2024) an lâwm a. Ni 13.4.2024 (Inrinni) chawhma dar 11-ah Centenary thupui 'Ka thlarau zâwkin le' (Zak 4:6) tih chu Rev. V.L. Luai Hranleh, Synod Executive Secretary-in a sawi a; tlaiah hlim takin ruai an theh a ni.

SHSS RE-OPENING DAY

Ni 5.4.2024 khân Synod Higher Secondary School chuan School Session thar an ãan a, hemi ni hian School Re-opening Day Programme an hmang. He hunah hian Pathian hnêna inhlanna hun hman a ni a, zirtîr-tute inhmêlhriattirna hun hman a nih bâkah Pu Lalsiammawia Fânai, Principal-in zirlaite hriat tûr thuchah a sawi a; sikul naupangte hriat tûr inhriattîr a ni bawk.

HRIATTIRNA

February–December, 2024 chhûngin thla tin chawhkhâr hnihna zêlah Synod Revival Committee chuan Synod Revival Camping Centre-ah camping a buatsaih chhonzawm dawn a. A duh leh mamawh tân luh theih a ni ang. Registration fee ₹100/- a ni ang. Zawh fiah duh nei tân Revival Office-ah zawh fiah theih reng a ni e.

– Rev. C. Zoramawia
Senior Executive Secretary i/c Revival

MIZORAM CHRISTIAN COLLEGE

♦ ASN nên thawk dôn

Mizoram Christian College (MCC) chuan National Education Policy hnuaiia Skill Enhancement Course pakhat atân Apollo School of Nursing (ASN), Aizâwl thawh dunpuiin, zirlaiten theory class leh theoretical exam an neih hnuah, ni 14.3.2024 ațang khân practical class an ãan. Hetianga under-graduate (Arts & Commerce) College zirlaiten Nursing College-a practical class an neih hi thil thleng zen zen lo a ni a. Mizoramah hian ni tin nun tibuai thei natna, enkawl na ãa tak nên chuan pângngai taka nunpui theih si hi kan ngah hle a, hemi kawnga thiamna leh hriatna zau zâwk zirlaiten an neih hi MCC chuan a ngaih pawimawh avângin, he course hi MCC zirlaiten an zir theih nân NEP hnuaiia Skill Enhancement Course atân MCC chuan a thlang a ni. MCC zirlai, Skills Enhancement Course atâna Mushroom Cultivation thlangten MIMA Foods, Tlângnuamah hetiang hun hi an hmang bawk.

♦ Lui thian faiin hnatlâng

Ni 8.3.2024 khân MCC-a NSS Unit chu, Zirtâwpni chawhnu apianga Co-Curricular Activities (CCA) an hman ãin hunah Serlui-A Hydrel Project bul hnaia Tlawng lui fintu thian faiin an hnatlâng a. He hunah hian ram leh hnam hmangaihna leh khuarêl enkawl-na chungchâng inzirtîr ngâl a ni.

♦ Budget Session chhim

March ni 11&12, 2024 chhûng khân BCom 2nd Semester zirlai Minor subject-a Public Administration late leh 6th Semester Political Science leh Public Administration zirlaite chuan 9th Mizoram Legislative Assembly Budget Session 2024 chu a hmunah an chhim.

Kohhran Hmeichhia: Ni 20–22.3.2024 khân Buhbân Kohhran Centenary lawmnaah Pi Zothansiami, Treasurer leh Pi Rohmingthangi, C/M-te an kal.

SPEAKER-TE INTUAI THAR

Synod Revival Speaker-te tâna riak lûta intuai tharna hun chu March ni 19–22, 2024 chhûng khân Synod Conference Centre-ah buatsaih a ni a, Revival Speaker-te an kal kim a ni.

Intuai tharna programme hi ni 19.3.2024 zân khân ãan a ni a. Hawna inkhâwm hi Rev. C. Zoramawia, Senior Executive Secretary-in a kaihruai a; Rev. R. Vânlalnghâka, Synod Moderator-in Keynote Address a sawi. Ni 21.3.2024 zâna a khârna inkhâwmah Rev. C. Zoramawia, Senior Executive Secretary-in thu a sawi thung.

Hetianga hun hi kum tin buatsaih ãin a ni a. Tûnah hian Synod Revival Speaker 70 (Mipa 68 leh hmeichhia 2) an awm a ni.

DR FRASER'S CLINIC HLAN THAR

Dr Fraser's Clinic, Mission Vênga mi chu room chei ãat, chei thar leh siam rem hna zawh fel niin luah theiha peih a ni a, ni 21.3.2024 chawhma dâr 10 khân Pathian hnêna hlanna hun hman a ni. He hun hi Dr Lalthakima, Hospital Director-in a kaihruai a; Upa Lalrinmuana, Coordinator, Synod Hospital-in Technical report a pe a; Rev. R. Vânlalnghâka, Synod Moderator-in a mamawh leh pantu apiangte tâna damna thlentû a nih theih nân ãawngãaiin Pathian hnênah a hlân a ni.

Dr Fraser's Clinic hi Synod Hospital Board-in chei ãat, chei thar leh room siam rem ni se, tiin a rêl a. Synod Trust Department-in plan & estimate siamin, ni 30.10.2023 ațangin hna an thawk ãan a, ni 17.2.2024-ah an zo. A chei ãat hna hi Wonder Builder, Durtlângin an thawk a, ₹29,75,000 sên a ni.

Dr Fraser's Clinic hi inentîr duhte tân pan theih a ni leh ta a; Eye Unit lam erawh chu Zosâphluia Building chhâwng chung berah an la awm ri h dawn a ni.